



La squadra da La Val passa le pröm turno de Copa Provincia cun la devënta sön le Mühlwald por 2 a 0 cun Michi che sègna na doplèta tl secundo tèmp.

Dô la sconfitta dl ultim mercui ai 03 de setëmbër sôn le ciamp a Prettau por 2 a 1, daulache la partida à duré plö de 3 ores por deplö gaujes, à la squadra lascè udèi indô na buna prestaziun cun deplö ocapiuns da gol. Ti prûms menüc dla partida ne él nia da mustrè sô gran ocapiuns, al vëgn scialdi sughé a mezciamp y le pal é deplö tl'aria co ia por tera.

Ala cher d'ora é le jogn Marco S. che à na gran ocapiun da gol amez aria. Sôn na puniziun de Michi abina le sogadù le pal al jore che por desfortüna rôia sôn la stangia de porta. L laûr di atacanc, che é bugn de tignì le pal âlt, pormët ala defenjiun de avanzè a de sostëgn. Dan le pröm tëmp é ciàmò Michi sôn puniziun che tira le pal de püch dlungia la stangia de porta ia.

An va ala palsa cun le resultat de 0 a 0

Le secundo tëmp é plö rich de aziuns y ocapiuns. Atira é i sógadus ladins che fej druch, sôn na trata dal ciantun rebatüda dala defenjiun dl Mühlwald rôia adalerch Freddy al limit dl aria y splundra le pal de püch sura porta fora. La defenjiun pustra mëss plö iadi spazè le pal demez, a segnè le gol dlvantaje ne mancel nia plö tröp. Sôn le rinvio da pêrt dl verdaporta Julian vëgn le pal spizuré de cé a mezciamp, le mandl fosch vëiga n fal sôn Michiy sciüra la puniziun. Sôn chësc episode ne conzed le arbiter nia le vantaje por Michi, che foss rove sù dan porta. L atacant Michi, nia a üna cun la dezijiun dl arbiter, se prejënta ala puniziun da 25 metri y bat le portier cun na bela trata tl ciantun bâs dla porta. Le Mühlwald se fej sëgn inant cun inserimenc dals pêrts ite, mo i preparatifs vëgn scialdi antizipà dala denfenjiun ladina che pò insciö pié sô danü. Le secundo gol toma spo püch dô, sôn na spizada de cé de Stefan, rôia Michi indô sù dan le portier, chësc ultim ne é nia bun de antizipé le atacant che pò insciö accompagné le pal te porta. Gran esultaziun por Michi che sëgna súa pröma doplëta te chësta sajun. Le druch da pêrt d La Val va inant cun Felix y Manuel S. , le pröm rôia te aria sôn n bel assist de Michi,mo la trata rôia dlungia porta ia, le secundo vëgn sorvì cun n bel pasaje dal medemo Michi, mo vëgn ciàmò al ultim mumënt antizipé dal defensur. Mühlwald les prô ciàmò dütes a segnè le gol che ti garantis i önescmetri, mo nia da nen fa, la defenjiun tëgn y le resultat ne müda nia. Cun na doplëta y na gran forma te chësta partida é stè sënzater le atacant Michi.

La Val passa insciö le prüm turno de Copa Provinzia. La squadra avversara dl secundo turno à inom Niederdorf, dô avëi batü la Val Badia por 2 a 0.

**Formaziun titolara:** Julian Moling, Martin Ploner, Paolo Vallazza, Romeo Rubatscher - capitan, David Moling, Alex Elzenbaumer, Stefan Sottara, Freddy Sottara, Marco Sottara, Michi Frenes y Alexander Miribung.

**Alenadù:** Floriani Claudio

**Sostituziuns:**

Egon Frenes gnü ite imped David Moling (45^ menüt)

Manuel Stampfer gnü ite imped Alexander Miribung (70^ menüt)

Felix Nagler gnü ite imped Marco Sottara (75^ menüt)

Adrian Miribung gnü ite impèd Alex Elzenbaumer (80<sup>^</sup> menüt)

A chësc linc pon ciafè düc i atri resultač de Copa Provinzia: [Risultati coppa](#)

Insëra, mercuri ai 23 de aurì él gnü sughé l'andata dla semifinala de Copa Provinzia contra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.